



## M kengd-y-la ne Wënd zoεga la sak-n-tũ, la yãmb na n yãa mam poorẽ, yõs taab wusgo, bɪ y gãd mam Sunnah la lɛdsdb nins sɛn yaa tɛeg turg-rãmbã, sɛn yaa kãndgdbã Sunnah

Yii a 'lɪrbaaɖ [bn Saariya nengẽ, (Wënd yard be a yĩnga), a yeelame: Wënd Tɛn-tuumã, (Wënd puusg la A tɪlgr be a yĩnga) a yalsa tõnd suk raar a yembre, n maan tõnd waazu, waazu sɛn ta tɛka, tɪ sũy rigim a poorẽ, tɪ nintãm wɪdem a poorẽ, tɪ b yeele: Wënd Tɛn-tuumã, fo maana tõnd Wënd-na-wat-ne waazu, bɪ f rɪk alkaool ne tõndo. T'a yeele: «M kengd-y-la ne Wënd zoεga la sak-n-tũ, la yãmb na n yãa mam poorẽ, yõs taab wusgo, bɪ y gãd mam Sunnah la lɛdsdb nins sɛn yaa tɛeg turg-rãmbã, sɛn yaa kãndgdbã Sunnah, gãd-y rɛndã ne yɛn-wãbɪ la m kengd yãmb tɪ y zãag yel sungdsã, tɪ ad Bid'ah buud fãa yaa menengo».

[Naşun Şahuhun (Gom-sikdem sɛn manege)] [A Abuu Daawuud la a At-tirmiiziy la a [bn Maağa la a Ahmad n togs-a]

Nabiyaamã (Wënd puusg la A tɪlgr be a yĩnga) maana a Sahaabsã waazu, tɪ yaa sagls sɛn ta tɛkẽ, tɪ sũy yeese, tɪ nintãm ruuge, tɪ b yeele: Yaa Wënd Tɛn-tuumã, ad wõnda Wënd-na-wat-ne waazu, la rɛ yaa b sɛn yã Nabiyaamã (Wënd puusg la A tɪlgr be a yĩnga) sɛn maan tɪ tug n ta tɛka sagellã la bugsgã pugẽ wã, tɪ b kos Nabiyaama sagelle, sɛn na tõog n gãde, Nabiyaam loogrã poorẽ, t'a yeele: m sagend-y lame ne Wënd zoεga, (A Naam yɪ wagell n zɛke), la rɛnda yaa waagib-rãmbã tuumã la haraam-rãmbã basgo, la y wum la y tũ, rat n yeel tɪ: y taor rãmbã, baa tɪ yaa yamba n lu yãmb taoore, maa a tõoga yãmb n lu taoore, rat n na n yeel tɪ nebã sɛn yaa yaalg n yuud sã n wa lebg yãmb taor soaba, bɪ y ra waoog y mensã n zãgs a tũub ye, tũ-y-yã-a, rɛnda yaa fitna-rãmb yeεs yĩnga, la ned ning sɛn na n vumã yãmb suka, a na n yãa yõs-taab wusgo, rɛ poorẽ a vɛnegame n wilg-ba yiibã zĩigã, yõs-taab-kãngã sã n wa beẽ, la rɛnda yaa sɛn na n gãd Nabiyaamã (Wënd puusg la A tɪlgr be a yĩnga) Sunnah la Nabiyaamã lɛdsdbã sɛn yaa kãndgdbã Sunnah, a 'Abuu Bakar Assidiiki la a 'Umar [bn Alhattaabe, a 'Usmaan [bn 'Affaan la a 'Ali [bn Abii Ṭaalib (Wënd yard be b fãa yĩnga) la b rũm-a ne yɛn-wãbɪ, rat n na n yeel tɪ b nidg pãnga Sunnah gãdb la Sunnah tablg pugẽ, a leb n bugs-b lame n yi yel-sungdsã dĩinã pugẽ, tɪ ad Bid'ah fãa gilli, a yaa menengo.

النجاة الخيرية  
ALNAJAT CHARITY

